

29-09-2025

आकाशवाणी

खास-खास खबरां:-

- भारत नै एशिया कप टी-20 क्रिकेट टूर्नामेंट दे फाईनल च कल पाकिस्तान गी हराइयै खिताब अपने नांs करी लैता। प्रधानमंत्री नरेन्द्र मोदी होरें आखेआ ऐ जे भारती टीम ने क्रिकेट दे मैदान पर आपरेशन सिंदूर गी अंजाम दिता ऐ।
- प्रधानमंत्री नरेन्द्र मोदी अज्ज नमीं दिल्ली च दीन दयाल उपाध्याय मार्ग पर भारती जनता पार्टी दे दफ्तर दा उद्घाटन करडन।
- रेल मंत्री अश्विणी वैशणव होर अज्ज बिहार लेई 7 रेलगड्डियां समर्पित करडन।
- चुनांs आयोग ने बिहार च विधानसभा चुनांs ते बक्ख-बक्ख राज्यें दे 8 विधानसभा खेतरें च उपचुनांs लेई केंद्री निगरानें दी तैनाती दा ऐलान कीता ऐ।
- भारत दी अनुशका ठोकुर ने जूनियर निशानेबाजी विश्व कप च महिलाएं दी 50 मीटर राइफल श्री-पोजिशन च सुन्ने दा तगमा जित्तियै देसै दा मान बधाया ऐ।

<><><><><><>

Asia Cup Cricket

एशिया कप टी-20 क्रिकेट टूर्नामेंट दे खिताबी मुकाबले च भारत नै पाकिस्तान गी 5 विकेटें कन्नै रहाइयै 9मीं बारी एशिया कप दा खिताब अपने नां किता ऐ। पाकिस्तान दे 147 रन्ज दे लक्ष्य दे परते च भारत नै अपनी बारी दे शुरू च गै छड़े 20 रनजें उप्पर 3 विकेटां मोआई दिती दियां हियां। एहदे मगरा तिलक वर्मा ते Sanju Samson दी जोड़ी नै भारतीय पारी गी संभालेया Tilak Verma नै नाबाद नत्तर रनजे दी शानदार अर्ध-शतकीय पारी खेड्डी शिवम दुबे नै 33 ते Sanju Samson नै 24 रनज बनाए।

<><><><><><>

President-Congrats

राष्ट्रपति द्रौपदी मुरमू होंरें भारत दी इस शानदार जित लेई टीम इंडिया गी मुमारखबाद दिती ते भविष्य च इयै जनेईयां होर केई शानदार कामयाबियें दा सिलसिला बरकरार रक्खने दी कामना कीती। प्रधानमंत्री नरेन्द्र मोदी होंरें एशिया कप भारत-पाकिस्तान फाईनल दी तुलना ऑपेशन सिंदूर कन्नै कीती ते गलाया जे नतीजा ऊए रेया; भारत दी जित, एहदे लेई स्हाड़े खडारियें गी बधाई। तोंआई भारतीय क्रिकेट बोर्ड नै बी दुबई च एशिया कप फाईनल च पाकिस्तान उप्पर भारत दी 5 विकेटें दी शानदार जित दा जश्न मनाया ते इसी मैदान दे अंदर ते बाहर इक प्रभावशाली जित दस्सेया।

<><><><><><>

PM BJP Off

प्रधानमंत्री नरेन्द्र मोदी होर अज्ज दीन-दयाल उपाध्याय मार्ग पर BJP कार्यालय दा उदघाटन करगंन। एह उदघाटन नवरात्री उत्सव कन्नै होआ रदा ऐ। दिल्ली BJP अध्यक्ष Virendra Sachdeva होंरें गलाया जे नमां दफ्तर छड़ा इक कार्यस्थल नैई, सगुआ उच्च मूल्यें दा केन्द्र ऐ, जित्थे पार्टी दी संस्कृति ते भावना, कार्यकर्ताएं च समाई दी ऐ। उदघाटनी समारोह च BJP दे राष्ट्रीय अध्यक्ष जगत प्रकाश नड्डा, दिल्ली दी मुखमंत्री रेखा गुप्ता, वरिष्ठ लीडर, सांसद विधायक, कौंसलर, केन्द्रीय मंत्रियें सनैं ज्हारें दी गिनतरी च पार्टी कार्यकर्ता हिस्सा लैगंन।

<><><><><><>

PM -Man Ki Baat

प्रधानमंत्री नरेन्द्र मोदी होंरें इस गल्ला गी परतियै जोर देइयै गलाया ऐ जे आत्म-निर्भर बनाने दा रस्ता स्वदेशी उत्पादें शा गै होइयै गै गुजरदा ऐ। आकाशवाणी उप्पर “मन की बात” कार्यक्रम च प्रधानमंत्री होंरें लोकें गी औंदे त्योहारें गी स्वदेशी उत्पादें कन्नै मनाने ते “वोकल फॉर लोकल” गी अपना मंत्र बनाने दा आग्रह किता। उनें लोकें गी देश च उत्पादित समेयान खरीदने दा संकल्प लैने दा आहवान कीता।

प्रधानमंत्री होरें इस गल्ला उप्पर जोर दिता जे त्योहारें दे मौसम च साफ-सफाई छड़ी घरें तगर गै सीमित नई रौहनी लोड़चदी सगुआं इसी गलियें-मोहल्लें, बजारें ते गाएं तगर फैलाना लोड़चदा ऐ। 2 अक्टूबर गी मनाई जाने आहली गांधी जयंति दा जिक्र करदे होई प्रधानमंत्री होरें गलाया जे राष्ट्र पिता महात्मा गांधी होरें हमेशा स्वेदशी अपनाने उप्पर जोर दिता ते खादी उन्दे शा प्रमक्ख ही। उनें गलाया जे पिच्छले 11 बरे थमां खादी दे प्रति देश दा रुझान बड़ा मता बधेया ऐ।

<><><><><><>

Vaishnav-Bihar Trains

बिहार गी अज्ज मिलोग 7 नमियें ट्रेनें दी सोगात। रेल मंत्री अश्विनी वैष्णव ते बिहार दे उपमुख्यमंत्री सम्राट चौधरी अज्ज बिहार दे पटना जक्शन थमां 7 ट्रेनें गी झंडी दस्सियै खाना करगंन। इंदे शा 3 “अमृत भारत एक्सप्रेस” ते 4 पैसेंजर ट्रेनां शामिल न। रेल मंत्री विडियो कांफ्रेंसिंग राएं उदघाटन समारोह पर शामिल होगंन। रेल मंत्रालय नै गलाया ऐ जे एह 3 अमृत भारत एक्सप्रेस ट्रेनां मुजफ्फरपुर शा चरलापल्ली दरभंगा शा मदार जक्शन ते छपरा शा आनंद बिहार टर्मिनल दे बश्कार चलगंन। एह औंदी “देयाली” ते “छठ-पूजा” दे पैहले बिहार दे लोकें लेई एह बड़डा तोहफा होग।

<><><><><><>

HM-Naxal Mukht Bharat

केन्द्रीय गृहमंत्री अमित शाह होरें गलाया ऐ जे अज्ज पूर्वोत्तर ते जम्मू-कश्मीर विकास ते शांति दी बता उप्पर अगड़े बधा रदे न। उनें एह गल्ल नमीं दिल्ली च राष्ट्रीय शिखर सम्मेलन “नक्सल मुक्त भारत मोदी हुंदे नेतृत्व च लाल आतंक दा अंत” दे समापन सत्र दौरान गलाई।

शाह होरें गलाया जे सरकार नै 3 प्रमुख थमैं संवाद-सुरक्षा ते आपसी तालमेल उप्पर कम्म कीता ऐ जेहदे नतीजतन 2004 शा 2014 दे बश्करा पूर्वोत्तर च सुरक्षाकर्मियें दी मौत च 70 प्रतिशत दी कमी आई ऐ। इस्सै अवधि दौरान क्षेत्र च हिंसा दे कारण होने आहली नागरिक मौतें च बी 85 प्रतिशत दी कमी आई ऐ।

<><><><><><>

ECI Observers

चुनांs आयोग ने बिहार च विधानसभा चुनांs ते बक्ख-बक्ख राज्यें दे 8 विधानसभा खेतरें च उपचुनांs लेई केंद्री निगरानें दी तैनाती दा ऐलान कीता ऐ। इंदे च सामान्य अधिकारी, पुलिस ते खर्चे सरबन्धी निगरान शामिल होडन। सुतेंतर, निरपक्ख ते पारदर्शी चुनांs जकीनी बनाने लेई 320 आई.ए.एस ते 60 आईपीएस अधिकारियें सने कुल 470 अधिकारियें गी केंद्रीय निगरानें दे रूपे च तैनात कीता जाहग। ओह हर इक निर्वाचन हलके च चुनावी प्रक्रिया दी निगरानी करडन, सुधार दे खेतरें दी पन्छान करडन ते उचित कार्रवाई दी सफारशां बी करडन। चुनांs आयोग ने आखेआ जे पर्यवेक्षक नां छड़ा सुतेंतर, निरपक्ख, पारदर्शी ते समावेशी चुनांs कराने दी अपनी संवैधानिक जिम्मेदारी गी पूरा करने च आयोग दी मदाद करडन, सगुआं मतदाताएं दी जागरूकता ते चुनांs च उंदी भागीदारी बधाने च बी जोगदान देडन। जम्मू-कश्मीर दी बडगाम ते नगरोंटा सीट सने राजस्थान दी अंता सीट, झारखंड दी घाटशिला, तेलंगाना दी जुबली हिल्स, पंजाब दी तरन तारन, मिजोरम दी डम्पा ते ओडिशा दी नुआपाड़ा विधानसभा सीट पर बी उपचुनांs होना ऐ।

<><><><><><>

Shooting

भारत दी अनुशका ठोकुर ने जूनियर निशानेबाजी विश्व कप च कल महिलाएं दी 50 मीटर राइफल श्री-पोज़िशन च सुन्ने दा तगमा जिती लैता ऐ।

नमीं दिल्ली दे डॉ. कर्णी सिंह रेंज च 50 मीटर राइफल प्रोन-स्पर्धा च जित दे बाद ठोकुर दा इस प्रतियोगिता च एह सुन्ने दा दुआ तगमा हा। मर्दे दी 50 मीटर श्री-पोज़िशन स्पर्धा च, एड्रियन कर्माकर ने चांदी दा तगमा जितेआ। भारत सुन्ने दे चार, चांदी दे 6 ते कैह दे 3 तगमें कन्नै तालिका च अव्वल थाहरै पर ऐ।

<><><><><><>

UN Sanction Reactivation

संयुक्त राष्ट्र ने ईरान पर परतियै बंदिशां लाने दी तसदीक कीती ऐ। सुरक्षा काउंसल दी तजवीज़ 1737 दे तैहत पैहले शा प्रतिबंधित 43 व्यक्तियें त 78 संस्थाएं दी सूची गी परतियै सक्रिय करी दिता गेआ ऐ। एह गैह पिछले म्हीने फ्रांस, ब्रिटेन ते जर्मनी आसेआ स्नैपबैक तंत्र दे औपचारिक आह्वान दे बाद पुट्टी गई ऐ, जेहदे'नै ईरान आसेआ 2015 दे परमाणु समझौते, सांझी व्यापक कार्य योजना दी कथित खलाफवर्जिएं कारण 30 दिनें दे अंदर संयुक्त राष्ट्र दिएं बंदिशें गी परतियै लागू कीता जाई सकग। इस कार्य योजना दे तैहत बंदिशें च राहत देने दे जतन 19 सितंबर ते फही पिछले शुक्रवारें संयुक्त राष्ट्र सुरक्षा काउंसल च नाकाम रेह हे, जेहदे'नै मजूदा तनोतनी दा पता लगदा ऐ। अपने संयंत्रें पर इस्राइल ते अमरीका दे हाल दे हमलें दे जोआब च ईरान ने परमाणु निगरानी दे कम्म स्थगित करी दिते न। बधदे संघर्ष दे बावजूद, ईरान दे राष्ट्रपति मसूद पेजेश-कियन होरें परतियै तसदीक कीती ऐ जे ईरान दा परमाणु हथियार विकसित करने दा कोई इरादा नेई ऐ।

<><><><><><>

IMD Weather

मौसम विभाग ने सौराष्ट्र, कच्छ, गुजरात, कोंकण, गोआ ते मध्य महाराष्ट्र च बकख-बकख थाहरें पर अज्ज बड़ी तेज बरखा दी संभावना व्यक्त कीती ऐ।

अंडमान-निकोबार टापुएं सने छत्तीसगढ़, नागालैंड, मणिपुर, मिज़ोरम ते त्रिपुरा दे किश हिस्सें च बी अगले 2-3 दिनें दे दरान हल्की थमां दरम्याने दर्जे दी बरखा बरी सकदी ऐ। विभाग ने आंध्र प्रदेश, गुजरात, बिहार, झारखंड, मध्य प्रदेश, ओडिशा, तेलंगाना, पच्छिम बंगाल ते सिक्किम दे किश हिस्सें च अज्ज गरज-चमक दे कन्ने बरखा बरने दी संभावना जताई ऐ। अगले 4-5 दिनें दे दरान इ'नें खेत्तरे च इस्से चाल्ली दा मौसम बने दे रौहने दी मेद ऐ।

<><><><><><>